

·Angqhoh Ngeihcib Daih·

Ngeihcib Daih Ciuhai Daengxguek Cungj Angqyangz

二十大召开 全民乐开怀

□ Suh Dazcin / 苏达进



Cib nyied mbwn rongh sien,
Va hai sien youh moq,
Ngeihcib Daih hai muq,
Vunz guekcoj angqyangz.

Hengz “roen dingh aeu byaij”,
Vunzlai maij youh gyaez,
Cungj dingq vah dangj bae,
Liz fukhwng ndaej gyawj.

Baujcaez caez ndaej yiengj,
Ciengxlaux cungj miz ngaenz,
Dangj raeuz guh ndaej baenz,
Baenzbingh ok ngaenz noix.

Aen guek song cidu,
Riuhoho caez hoh,
Dangj raeuz mbouj gangj boq,
Guekcoj dingh dungjyiz.

Dangj raeuz Ngeihcib Daih,
Daengx seiqgyaiq caj hai,
Ngoenz hoih haenx vunz lai,
Raeuz dap daiz danqhaenh.

Caiq dwen yendaiva,
Yaengx genga danqhaenh,
Dangj raeuz dawz ndaej maenh,
Daengx guek bwh ndaej ndei.

Dwen roek aen “dingjmaenh”,
Caen dwg gangj ndaej ndei,
Vunzlai bouboux gyaez,
Ciengzseiz hix geiq maenh.

Bingdoih miz daegsaek,
Re gij caeggep ndei,
Dingqcoengz dangj cijveih,
Okbing seiz dingh hingz.

Cungjsuhgi baugau,
Dawz lawz gauj(guh) lwnh raeuz,
Miz aen dangj guh daeuz,
Fukhwng couh dingh baenz.

Gwzgiz hwngfat moq,
Doengzcaez coh baihnaj,
Moegbiu youq de caj,
Raeuz daj neix haenqguh.

Souj daejsienq nazreih,
Haeuxvanj ndaej dawzmaenh,
Gyoengqvunz cungj danqhaenh,
Dangj raeuz caen hungmbwk!

Bingdoih raeuz guhdaengz,
Hoh cwn’yi gunghbingz,
Cungj habcap habcingz,
Hoh hozbingz onjdingh.

Baugau diem rongh lai,
Raeuz wnggai hag daeuq,
Caez gaen aen dangj raeuz,
Fukhwng couh dingh baenz.

Doicaenh “sam mbouj nduk”,
Buekguk youh dwknyaen,
Dangj raeuz guh ndaej baenz,
Gyoengqvunz saenqsim daih.

Caeuq swhyenz huzndei,
Baengh saekloeg ndaej hwng,
Hawj vunzlai rox daengz,
Lawz guh ndaej hwngfat.

Saeh hengzmanz mbouj guh,
Guekcoj gyaez huzndei,
Vunzlai maij fouzbeij,
Hix eiq(gyaez) caez hwngfat.

Byaij cauhamoq roenloh,
Caezsim buek guh bae,
Guh saeh nywj ndaej gyaeh,
Itdingh meiz(miz) maqmuengh.

Guh “song aen dapanq”,
Dawz lajmbanj saenqhwng,
Aeu gag giengz gag saenq,
Miz saenqniemh dingh baenz.

Dwen sam aen “bietdingh”,
Dawzdingh ndei fuengyiengq,
Guh ndei gij yienghsiengq,
Vih giengzguek buekguh.

Gungcanjdangj yinghmingz,
Cingz bouxminz dawzmaenh,
Bingdoih riengz dangj gaenj,
Fukhwng caen daeuj daengz.

“Ahbyauh, mwngz daeuj dawz daiq.” Bohgoux doq rex daiq naengh youq aen eijgvaengx wnq doq daengq gou.

“W!” Gou doq han.

Aulungzgveiz vang baengh youq gwnz eijgvaengx, gyauej loq boep, diemheiq gig gaenj, bohgoux cuengq aen daengyouzhaeu youq henzdaiz gyawj de, gungj hwet cam: “Gyawz ok lwed?”

“Lungz Gveiz!”
“Gizneix……”

Bohgoux fwngz ndeu duet buh de, gou iet hoz baez yawj. Ai! Najaek caeuq gwnz mbaq song giz cingq lae lwed hoengzfwgfwg.

Doeklaeng bohgoux daj ndawrug byaij okdaej, gou song fwngz goemq naj mbouj gamj yawj, suksiemj byaij daengz henz ndang daiq, rex daiq haeuj ndawrug bae.

“Ahbyauh!” Bohgoux heuh gou, “Bae dawz nonjhuz daeuj.”

Mwhneix gou gaenq dingh lai di lo, riengjret dawz nonjhuz gvaqdaej.

“Bat, gaen!” Bohgoux youh heuh: “Guh vaiqdi.”

Gou doq dawz song yiengh neix daeuj, bohgoux gaenq dawz song bingz ywmba cuengq youq gwnzdaiz, doq binj genbuh doq heuh gou ndingq

·Sawcuenhraez Lwngyez·

Gij Golwngnyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

raemxgoenj haeuj ndawbat, caiq aeu gaen dumz raemx bang Aulungzgveiz swiq giz lae lwed najaek.

Aulungzgveiz mbouj gyangz sing ndeu, ning hix mbouj ning saekdi.

“Ai, caen bamz, lij bang ndaek vunz neix dwk yw……” Gou mumj-gyumq ndaejnyi daiq nam, de caeuq daxmeh ndoj youq ndawrug ienq bohgoux.

Bohgoux doq nyaengq doq yawj saeknaj Aulungzgveiz, gou couh ndwn youq henz bang faenj gaen, yaep he raemxsaw ndaw bat cungj bienq ndaej hoengzfwgfwg lo.

“Baenzlawz deng sieng?” Bohgoux fouz gyauej fouz rieng dwk cam coenz he.

“Deng caeggeq camx song mbat.” Aulungzgveiz dap.

“Mwngz caen dwg——?”

“Ai!” Aulungzgveiz danq gaemz heiq ndeu, laep da naeuz, “Gij saeh neix dauqdaej ndaej sat lo.”

“Ngamq daj gwnz bya roengz-daeuj?”

“Mbouj deng, daj laeng miuh-saenzvangz gvaqdaej.”

“Seizlawz dauqma?”

“Haemhlwenz.”

“Vihmaz ngaiznyed daengz mwhneix cij daeuj ra gou?”

“Miz seiq ndaek caeggeq riengz gou roengz bya.”

“Ha.”

Gou doeksaet yat, Aulungzgveiz dwg caeggeq dahraix, yienghneix seiq ndaek caeggeq ne?

“Gou—— Ai!”

Bohgoux dawz gaen uet deng gij

baksieng de lo, de loq saenz.

“Ngoenzde hwnj bya bae bang Ahveij caiq ra ywdoj—— Ai, Ahveij mbouj miz saeh luba?”

Gou ngeix, ndaek vunz neix caen rox cang ngawz, soengq gij ywdoj miz doeg hawj Ahveij gwn, lij cam Ahveij ndei caengz ndei?

“Mwngz daegdaengq gouq Ahveij roxnaeuz haih de?” Bohgoux daengx fwngz cam de, gij sing gig naekcaem.

“Baenzlawz baenzneix gangj ne?” Aulungzgveiz byaengq da cim bohgoux.

“Guh saeh mbouj ndaej daeuq lai, Mehveij vihmaz lij lix, dwg aenvih Ahveij……”

Aulungzgveiz cengq ndang yaek naengh soh, cix deng bohgoux lanz de.

(caengz sat)